

東華續錄

乾隆一百七

臣王先謙敬編

臣周潤蓀恭校

乾隆五十三年戊申春正月丙寅諭阿奇木伯克貝子鄂斯璊感
恩奮勉力多年方資倚任今來京陛見甫經數日聞其臥病隨
命御前侍衛帶同御醫前往診視今聞溘逝朕心深爲憫惻著派
豐紳濟倫前往奠醊仍加恩賞銀五百兩以資辦理喪事○丁卯
以臺灣用兵免福建晉江等八縣本年額賦十分之三浦城等十
二縣十分之二○己巳諭哈密吐魯番二部皆國家世僕其餘各
城回人雖經朕平定新疆時歸降但效力幾三十年奮勉急公是
以分別施恩賞給王貝勒貝子公台吉等封爵乾隆四十八年曾
令理藩院查明伊等封爵或定爲世襲罔替或定爲出繼後降等

承襲雖係照例辦理但伊等來歸年久共感朕恩各勤職業如哈密郡王品級貝勒額爾德錫爾之始祖額貝都拉歸誠以來已歷數世額爾德錫爾之祖玉素布在軍營勤勞懋著貝子鄂斯璊之父鄂對在軍營奮勉封授貝勒品級後因罪削爵旋以鄂斯璊抒誠效力復封貝子色提巴爾第先在軍營奮勉又在阿奇木伯克任內數年留心辦事公伊巴喇伊木一等台吉鄂羅木咱卜二等台吉巴巴阿布勒丕爾敦三等台吉阿卜都呢咱爾帕爾薩等所得封爵或因軍前效力封授或因伊祖父功績賞給若照原議於出缺後降等承襲日久遞降殊非朕撫恤回衆之意著加恩將額爾德錫爾色提巴爾第鄂斯璊伊巴喇伊木鄂羅木咱卜巴巴阿布勒丕爾敦阿卜都呢咱爾帕爾薩等十人見襲之王貝子公台吉等封爵出缺時不必降等俱著世襲罔替以示朕優恤回部世

僕之至意○辛未諭軍機大臣等據明興奏報山西境內河清獻瑞一摺內稱接據永甯州等十三州縣稟報黃河自十二月初七八日漸次澄清至二十八九日時屆二旬河水徹底澄清可鑑共計一千三百餘里等語此不足爲誇美已於摺內批示矣國家景運光昌太和翔洽惟在年穀順成豐綏屢告五風十雨普被和甘乃爲昇平瑞應至歷代史策侈陳符瑞大率出於傳會鋪張無關實政卽如麟遊鳳翥固爲僅見嘉祥然亦必須來遊輒澤翔集殿庭得之目覩方足傳爲盛事若不過騰章入告並無指據亦止屬粉飾虛詞不足爲信至河水澄清雖亦間有之事但以此侈陳祥瑞誇示休徵殊屬無謂況上年黃河於睢州十三堡地方隄工漫溢淹浸田廬雨經堵築完竣若以河清爲獻瑞之驗又何若安流順軌竟無漫溢之更爲嘉瑞耶且河水澄清如以爲地方大吏德

政所致則明興歷任地方毫無弊頗試令伊自思前在山東何無嘉謨今督撫又行何德政而能致此祥瑞耶封疆大臣惟應實心任事承流宣化使吏治民生共臻上理方爲稱職儻因此等事屬僅見臆陳祥應及宣布史館予以褒嘉而遇有災侵卽加之督實事必至身任封圻者藉端粉飾爭相效習以博虛名而於地方水旱偏災或恐干譴譴竟至諱匿不報於政體民生大有關係見在晉省既有河清之事則下游各省自必由漸激清該地方官不奏則已儻亦有似此具奏者再將此意明降諭旨以示朕敬 天勤政以實不以文至意將此先諭明興知之不必稱揚其事也○甲戌諭軍機大臣等福康安奏到之摺係初七日拜發在前日奏到十三日所發奏摺之前該處賊匪阻溪自固壘砌石牆安設賊卡聚至萬人非一朝一夕所能爲福康安於攻破大里杙賊巢後

若卽統領大兵乘勝追殺則賊匪紛紛逃竄救死不暇豈尙能收合夥黨聚集萬人從容壘砌石牆設卡拒守卽使攻破大里杙後或有堵拏餘匪撫輯彈壓事宜亦止應於將領中酌留數人帶領弁兵在彼儘足以資料理福康安卽當親統大兵乘勝深入搗捕賊匪卽或逆首逸入內山生番等攝於軍威亦必卽時擒獻乃官兵於十一月二十五日攻破賊巢直至十二月初四日始由平林仔發兵前進計期已閱十日使賊匪得以乘暇收會餘黨於集集埔豫爲布置臨溪設卡壘石堵塞路徑據險死守幸而衆兵奮勇出力攀援直上將集集埔內賊營全行勦洗而首逆林爽文又經乘間逃竄此皆福康安等辦理遲緩予賊以暇若早至生番隘口則並可不需此戰或竟將林爽文卽時擒獲乃失此機會實屬可惜至從賊匪徒雖經遵示投出見在自不得不從寬貸其一死但

究非良善之人將來總未便仍留該處應於辦理善後事宜時酌量分別遷徙他省內地安插方爲妥善○乙亥諭恆瑞自臺灣帶兵赴援觀望遷延種種玩誤又妄行奏請添兵張大賊勢若治以搖惑軍心之罪卽應按軍法立斬豈福康安曾經屢次出兵而於行軍紀律尙未知之幸而朕於勦捕事宜先機籌畫早命福康安前往督辦恆瑞奏請添兵時福康安已將次到彼人心鎮定不至爲恆瑞妄誕之詞遽有搖動若彼時福康安尙未奉命前往則臺灣止有常青一人其將領兵民等見恆瑞係參贊大員如此張皇失措奏請添兵必爲其浮言所惑心懷疑懼阻其銳氣不但臺灣全郡俱至動搖卽福建內地亦皆人心惶惑尙復成何事體恆瑞妄言惑聽本應卽在軍前正法前次朕所以稍從寬辦不卽將伊請兵奏摺發鈔治罪者以彼時官軍勦賊尙未得手正值人心惶

遠之時若遽將恆瑞怯懦張皇之奏宣播中外既慮傳聞駭聽兼恐外間無識之徒以將軍參贊等勦捕賊匪奏請添兵朕轉斷而不與妄生議論是以未卽宣示止降旨福康安卽令恆瑞回京今勦捕事務業已將次完竣卽是不須添六七萬大兵之明驗恆瑞前此妄言之罪自應覈辦試問之福康安見在豈待恆瑞請添之兵到彼始能解圍破賊攻克賊勦耶恆瑞前次所奏非妄言惑聽而何朕因念恆瑞年輕無識且係宗室姑援議親之條不卽真以重典僅令回京候旨已屬格外施恩乃福康安節次奏到之摺曲爲庇護將恆瑞聯寫銜名又屢於摺內聲敘恆瑞帶兵打仗試思伊爲滿洲大臣衆皆打仗伊不打仗逃往何處乎且屢經令福康安向恆瑞嚴款嚴詰妄請添兵搖惑軍心是其首罪乃福康安並不聞此一條轉爲之多方開脫且稱其打仗奮勉仍請留於軍營

該處帶兵如鄂輝舒亮甘肅等之遠勝恆瑞者正復不少豈必
須恆瑞一人其意不過遇有帶兵打仗即可將恆瑞備敘功績其
朕加恩錄用又朕前因保甯在四川將軍總督之任足資倚任而
福建將軍在日前爲要缺是以將鄂輝調任福州以資鎮馭嗣因
保甯補放伊犁將軍川省見無熟悉番情之人故仍將鄂輝調回
成都而以常青仍爲福州將軍福康安具奏時尙未知保甯調任
伊犁之信何以欲將鄂輝仍留成都福康安不過因恆瑞本係福
州將軍希冀仍留恆瑞原任之意福康安自聞常青不如恆瑞之
爲將軍耶此等處豈能逃朕洞鑒福康安由垂髫素養經朕多年
訓誨至於成人今甫經委任畀以軍旅重寄卽見在勦捕賊匪攻
克賊巢皆職指授方略再三訓示將士等踴躍用命始能所向克
捷令甫經解圍得勝朕卽優加獎賞福康安自當倍加感奮迅速

擒拿賊首剋日厥功以期承受恩眷乃竟敢藉此微勞袒護親戚此等伎倆豈能於朕前嘗試耶本應從重治罪因念其見在帶兵勦賊業經攻克巢穴拏獲逆犯家屬姑從寬免其深究著傳旨歸行申飭福康安惟當益知愧懼力改前非若能將林爽文莊大田生擒解京尚可將功補過仰承恩眷至恒瑞仍著福康安遵照前旨革去職銜伊孫宗室不忍拏問令其自備資斧速行來京交部治罪至輕亦當發往伊犁效力贖罪以示懲儆是福康安愛之實所以害之也朕辦理庶政於臣下功罪賞罰嚴明惟視其人之自取而於軍旅重務有功卽賞有罪必罰子奪昭然是以人思奮勵用能平定西陲大小金川拓土開疆大功屢告卽此臺灣逆匪雖係叢鬪一隅皆經朕宵旰焦勞先幾決策未嘗以老而怠昏而於諸臣功罪尤無一毫假借內外大臣皆當明諭朕意○丁丑諭軍

機大臣等前次福康安自十一月二十五日攻破賊巢遲至十二月初四日始由平林仔發兵前進使賊匪得以乘暇收合羽黨於集集埔據爲布置據險抵拒已屬辦理遲緩迨官兵攻克集集埔後於十三日在水裏社殲獲逆首家屬福康安等若能及早帶兵直往小半天一帶搗捕則賊匪窮蹙奔逃救死不暇豈能收集黨夥二千餘人於山頭暨柵壘牆搭蔡拒守且官兵攻山梁時賊匪投石放槍抵死抗拒彼時林爽文自必尙在該處潛匿若福康安等於賊匪未經布置之先卽已統兵前至該處林爽文豈能據險抵禦屢次使之乘間逃逸乃福康安等又不卽時前進延至十八日始帶兵分路攻勦距殲獲逆首家屬時中間又隔五日使賊匪得預爲扼險死守之計是福康安不但有失機宜且使賊匪得以乘暇設備又須帶領官兵到處攻勦卽福康安自爲計豈非舍易

而就難耶在披閱圖內見於山外各路口安設營盤不下二十餘處計每處派兵四五百名已不下萬餘似此於無甚緊要處零星分派置之無用之地豈不又如從前恆瑞普吉保於鹽水港笨港一帶分兵零星堵禦致兵力以分而見單乎况福康安在東埔納駐紮距逆首逃竄之埔裏社尙遠何不前至舒亮駐紮之歸仔社紮營且見在分兵堵截自應酌留一二通內地隘口無庸設兵使林爽文見在數處無兵防堵或由該處仍逸入內地不難四路圍截立就擒獲今將各隘口悉行設兵堵截是轉恐其入山不深驅之使入豈不失計福康安此時應將圖內殊筆點出各隘口酌量將官兵撤去合兵一二萬福康安竟當親自統兵直入埔裏社內山巔探林爽文潛匿處所跟蹤追捕卽該處生番語言不通與禽獸無異今林爽文潛匿內山亦難與生番通語聯絡其所帶夥匪

僅止一二人尚可四處竄逸不畏生番豈福康安帶領大兵數萬轉慮生番野性難馴有所畏怯乎若生番等震懾兵威將林爽文擒獻固屬甚善設使冥頑助逆卽趁此兵力亦無難將生番等痛加殲戮總之林爽文逃匿何處福康安卽帶兵向該處跟蹤追勦以期必獲此皆福康安節次辦理遲緩自貽伊戚其跋涉勞苦皆所自取福康安務奮力速進生擒逆首以副委任○庚辰諭福康安前此具奏柴大紀爲人狡詐不可深信一摺於柴大紀如何貪劣如何誤事如何懼賊不進兵實蹟並未列款參劾經節次降旨飭諭茲據軍機大臣奏福康安有寄伊等公信一件內稱柴大紀守禦縣城並非伊之力量福康安到縣城時面見柴大紀形貌並非勞瘁馬匹亦皆驍壯城中糧食並未斷絕其接奉諭旨不肯帶兵出城一節亦係義民等不肯將伊放出伊亦畏賊不敢出城

守諸羅一事朕不忍以爲柴大紀之罪至於其他聲名狼藉縱兵
激變不肯帶兵勦賊柴大紀既有此等情節福康安於具摺時何
不逐款指出據實參奏卽或因縣城南經解圍未便卽將柴大紀
參劾亦應將以上各情節隨摺寄知軍機大臣令其代陳朕亦得
以悉其原委可無須再三飭諭乃福康安旣未於摺內列款糾參
又不早寄知軍機大臣代奏試思柴大紀在縣城被圍日久其奏
到接奉諭旨不肯帶兵出城一摺披閱之下朕爲之墮淚卽在朝
諸臣凡有人心者亦無不以柴大紀竭力守城稱其義勇是卽柴
大紀小有過失亦當錄其大功而宥其微眚豈能據福康安所奏
柴大紀爲人狡詐不可深信一語遽治以無名之罪若因此籠統
虛詞卽將有功之人加以罪譴又何以服衆心而示天下耶此事
福康安具奏含糊固難辭咎而李侍堯心存容隱其咎較之福康

安爲尤重前問李侍堯之諭尚未覆奏想亦難爲措詞耳本日常
青所奏總不過敷衍塞責殊屬無謂前因其初至郡城調度一切
尙爲妥協且伊已年老尙能親自帶兵打仗是以賞戴雙眼花翎
以示獎勵今半載以來株守郡城毫無出力念其尙無大過與恆
瑞之搖惑人心者有間伊於閩省情形尙爲熟悉業經補用福州
將軍伊自當照將軍職分戴用單眼花翎○丙戌諭柴大紀在嘉
義縣勦捕賊匪縣城被賊圍困數月始終保守無虞是以特沛殊
恩用昭懋賞嗣據福康安奏其爲人狡詐不可深信朕尙以柴大
紀有守城之功未便以無據空言加之罪譴昨德成查勘海塘回
京據奏風聞柴大紀自復任臺灣總兵貪縱營私廢弛營務並令
兵丁私回內地貿易激變貽誤玩視賊匪種種曠成巨案朕以德
成自新回京距聞不遠所聞必非無因隨降旨令福康安李侍堯

琅玕各行查實具奏旋據琅玕奏風聞柴大紀私令守兵渡回內地貿易每月勒繳銀錢又駐守嘉義縣時係畏賊不出並非實心守城本日又據李侍堯奏臺灣戍兵多有賣放私回以致缺額其留營當差之兵亦聽其在外營生開賭窩娼販賣私鹽鎮將等令其每月繳錢經年並不操演經李侍堯咨查知據柴大紀開報見在戍兵實止共有七千五百名此外則以傷亡散失無可查覈爲辭觀之不勝駭異又經前歲賊匪滋擾府城時柴大紀恇怯不敢出戰經永福等面加諄讓始帶兵出城等語用兵之道當賞罰嚴明此次賊匪滋事竟由柴大紀平日廢弛貪黷積漸釀成豈可以守城微勞置之不問況柴大紀先在府城既畏賊不敢出戰又移駐嘉義縣時保獲無虞全係兵民之力卽所奏糧餉斷絕各情節亦多不實而其貪劣各款見經查有確據此而不嚴加查辦何以

肅軍政而儆官邪柴大紀著革職等因交福康安逐一嚴審明確
定擬具奏至福建水師提督員缺著蔡攀龍補授所遺員缺著梁
朝桂補授至常青在閩年久擢用總督亦有年餘柴大紀平日觀
法侵漁廢弛營務常青豈無所聞且據李侍堯奏於常青前往臺
灣時曾以該處戍兵缺少札知常青是常青渡洋時李侍堯亦必
將柴大紀各款蹟一併向常青述及常青既抵臺灣見聞更確況
與永福楊處理朝夕相見斷無不將柴大紀各款向永福等詢問
永福等斷無不詳悉告知常青之理乃常青竟無一字奏及殊屬
昧良辜罔有心徇隱常青亦著革職即交與福康安一併嚴審據
實具奏其福州將軍員缺著魁麟補授魁麟資格本淺念其係向
書查弼納曾孫且人尚明白是以加恩擢用見在臺灣勦捕事宜
雖即日完竣而善後各事正需人經理魁麟即由驛星速前往臺

灣隨同福康安學習辦理一切事務所有四川建昌鎮總兵員缺著張芝元補授○諭軍機大臣等柴大紀貪縱營私各節經諭令福康安李侍堯詳係查明據實參奏朕卽向軍機大臣言及以李侍堯在閩浙總督任內已將一載於柴大紀貪劣各款自必早有所聞此次奉旨飭查李侍堯止可諉爲未經查訪確實及軍務緊急之時未便將柴大紀參奏以文其從前不卽參奏之過今據李侍堯奏到之摺果不出朕所料李侍堯受朕厚恩不意其扶同徇隱竟至於此福康安於具奏之初雖未將柴大紀實在款蹟據實指參而朕因福康安既有此奏始向德成查詢因此柴大紀貪劣各款得以逐細究出尙由福康安發其端至李侍堯調任浙閩已及一載且駐紮廈門常接臺灣地方官稟報較之鄰省傳聞更爲確切既據稱到閩時卽風聞戍兵多有賣放私回之事何以不卽